

JAKIM Pantau Blog Cuba Pengaruhi Remaja Dengan LGBT
Bernama
12 Mei, 2012

JELI, 12 Mei (Bernama) -- Jabatan Kemajuan Islam Malaysia (JAKIM) sedang memantau pertubuhan yang cuba mempengaruhi remaja ke arah amalan seks bebas serta lesbian, gay, biseksual dan transeksual (LGBT), untuk diambil tindakan sewajarnya.

Ketua Pengarah JAKIM Datuk Othman Mustapha berkata pertubuhan terbabit dikesan menggunakan media sosial termasuk blog untuk mempengaruhi golongan remaja terlibat dengan amalan itu.

"Dalam siasatan JAKIM, terdapat blog-blog yang cuba mempengaruhi remaja untuk menyertai amalan LGBT itu. Sudah ada 3,000 peminat melayari blog-blog mereka ini," katanya kepada pemberita pada majlis perasmian penutup Program Ramah Mesra Bersama Masyarakat Orang Asli Sungai Rual dekat sini.

Menteri Perdagangan Antarabangsa dan Industri Datuk Seri Mustapa Mohamed yang juga anggota Parlimen Jeli merasmikan majlis penutup program itu.

Othman berkata pihaknya akan bekerjasama dengan pihak berkuasa berkaitan termasuk polis, Jabatan Agama Islam Negeri dan Suruhanjaya Komunikasi dan Multimedia Malaysia bagi mengambil tindakan terhadap pihak terbabit.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=665732>